

四庫全書

集部

欽定四庫全書

唐詩品彙卷八

明 高棟 編

五言古詩八

大家 二

杜甫 下

遊龍門奉先寺

已從招提遊更宿招提境陰壑生靈籟月林散清影天

闕象緯逼雲臥衣裳冷欲覺聞晨鐘令人發深省

望嶽

岱宗夫如何齊魯青未了

劉云即五字雄蓋一世范云起句之超然者也造化

鍾神秀陰陽割昏曉盪胸生層雲決眇入歸鳥會當凌

絕頂一覽衆山小

陪李北海燕歷下亭

李邕時為北海太守

東藩駐臬蓋北渚凌清河海右此亭古濟南名士多

劉云

題篇遠當如此雲山已發興玉佩仍當歌脩竹不受暑交流空

湧波蘊真愜所遇落日將如何貴賤俱物役從公難重過

大雲寺贊公房

燈影照無睡心清聞妙香

劉云使爾超悟

夜深殿突兀風動金

琅璫天黑閉春院地清栖暗芳玉繩

星名

回斷絕鐵鳳森

翱翔梵放時出寺鐘殘仍殷

音隱

床明朝在沃野苦見塵

沙黃

劉云如此自好

冬到金華山觀因得故拾遺陳公學堂遺跡

涪右衆山內金華紫崔嵬上有蔚藍天垂光抱瓊臺繫
舟接絕壁杖策窮縈迴四顧俯層巔淡然川谷開雪嶺
日色死霜鴻有餘哀焚香玉女跪霧裏仙人來陳公讀
書堂石柱仄青苔悲風爲我起激烈傷雄材

西杖材尋置草堂地夜宿贊公土室二首

出郭盼細岑披榛得微路谿行一流水曲折方屢渡贊
公湯休徒好靜心跡素昨枉霞上作盛論巖中趣怡然
共攜手恣意同遠步捫蘿溢先登陟嶮眩反顧要求陽

岡暖苦陟陰嶺沍惆悵老大藤沉吟屈蟠樹卜居意未
展杖策迴且暮層巔餘落日草蔓已多露

天寒鳥已歸月出山更靜

劉云自然境自然語

土室延白光松門

耿耿影躋攀倦日短語樂寄夜永明燃林中新暗汲石
底井大師京國舊德業天機秉從來吏許遊興趣江湖
迴數奇謫闕塞道廣存箕穎何知戎馬間復接塵事屏
幽尋豈一路遠色有諸嶺晨光稍朦朧更越西南頂

同諸公登慈恩寺塔

高標跨蒼穹烈風無時休

范云承以烈風無時休五字今人能之否

自非曠

士懷登茲翻百憂方知象教力足可追冥搜

范云遊觀寺詩十字

到同仰穿龍蛇窟始出枝撐幽七星在北戶河漢聲西流

羲和鞭白日少昊行清秋泰山忽破碎

一作秦劉云樊察序本如此近

是

涇渭不可求俯視但一氣焉能辨皇州迴首叫虞舜

蒼梧雲正愁惜哉瑤池飲日晏崑崙丘黃鵠去不息哀

鳴何所投君看隨陽鴈各有稻梁謀

望岳

南岳配朱鳥秩禮自百王歟吸領地靈瀕洞半炎方邦
家用祀典在德非馨香巡狩何寂寥有虞今則亡洎吾
隘世網行邁越瀟湘渴日絕壁出漾舟清光傍祝融五
峰尊峰峰次低昂紫蓋獨不朝爭長嶭相望恭聞魏夫
人羣仙夾翱翔有時五峰氣散風如飛霜牽迫限脩途
未暇杖崇岡歸來覲命駕沐浴休玉堂三嘆問府主曷
以贊我皇牲璧忍哀俗神具思降祥

懷古二首

玉華宮

梅聖俞云宮近晉符堅墓

谿回松風長蒼鼠竄古瓦不知何王殿遺構絕壁下

劉云

哀思苦語轉換簡遠有長篇餘韻未更自傷悲非急所及陰房鬼火青壞道哀湍瀉

萬籟真笙竽秋色正瀟灑美人為黃土况乃粉黛假當

時侍金輿故物獨石馬憂來藉草坐浩歌淚盈把冉冉

征途間誰是長年者

劉云起結淒黯讀者殆難為情

九成宮

本隋仁壽宮也貞觀間修之以避暑因改名焉山有九重故名九成

蒼山入百里崖斷如杵杓層宮憑風迴交業土囊口立

神扶棟梁鑿翠開戶牖

劉云二語雄稱

其陽產靈芝其陰宿牛

斗紛披長松倒揭嶭怪石走哀猿啼一聲客淚迸林藪

荒哉隋家帝製此今頽朽向使國不亡焉為巨唐有雖

無新增修尚置官居守巡非瑤水遠跡是雕牆後

劉云感嘆

之元得體者也

我來屬時危仰望嗟嘆久天王守太白

趙次公云言肅

宗在鳳翔

駐馬更搔首

范云國亡唐有此有國家者後車之戒未意嘗不戒者也此所以駐馬而

後搔首也杜子美之沉鬱頓挫類此也

赤谷西卷人家

躋險不自安出郊已清目谿迴日氣暖徑轉山田熟鳥
雀依茅茨藩籬帶松菊如行武陵暮欲問桃源宿

過津口

南岳自茲近湘流東逝深和風引桂楫春日漲雲岑迴
首過津口而多楓樹林白魚困密網黃鳥喧嘉音物微
限通塞惻隱仁者心笕餘不盡酒膝有無聲琴聖賢兩

寂寞眇眇獨開襟

趙次公云白魚黃鳥物之通塞雖微而不足道而仁者於物每惻隱其困

塞於此琴酒思聖
賢寂寞亦自適耳

次空舫岸

汭汭逆素浪落落轉清眺幸有舟楫遲得盡所歷妙空
舫霞石峻楓枯隱奔峭青春猶無私白石亦偏照可使
營吾居終焉託長嘯毒瘴未足憂兵戈滿邊徼嚮者留
遺恨耻為達人誦迴帆覲賞延佳處領其要

羌村三首

時自鳳翔還鄜州蔡夢弼云鄜州治洛交縣羌村洛交村墟

崢嶸赤雲西日脚下平地柴門烏雀噪歸客千里至妻
孥怪我在驚定還拭淚世亂遭飄蕩生還偶然遂鄰

人滿牆頭感歎亦歔歔夜闌更秉燭相對如夢寐
晚歲迫偷生還家少歡趣嬌兒不離膝畏我復却去憶
昔好追涼故繞池邊樹蕭蕭北風勁撫事煎百慮賴知
禾黍收已覺糟牀注如今足斟酌且用慰遲莫

羣雞正亂叫客至雞鬪爭驅雞上樹木始聞叩柴荆父
老四五人問我久遠行手中各有攜傾榼濁復清苦辭
酒味薄黍地無人耕兵革既未息兒童盡東征請為父
老歌艱難愧深情歌罷仰天嘆四坐淚縱橫

述懷

公家寓郾州三川時自賊中達行在所作也

去年潼關破妻子隔絕久今夏草木長脫身得西走麻
鞋見天子衣袖露兩肘朝廷愍生還親故傷老醜涕淚
受拾遺流離主恩厚柴門雖得去未忍即開口寄書問
三川不知家在否此聞同罹禍殺戮到雞狗山中漏跡
屋誰復依戶牖摧頽蒼松根地冷骨未朽幾人全性命
盡室豈相偶嶽峯猛虎場鬱結回我首自寄一封書今
已十月後反畏消息來寸心亦何有

陳後山云不敢問何如劉云極一

時憂傷之懷賴自能賦而毫髮不失漢運初中興生平老耽酒沈思歡會處恐作窮獨叟

得舍弟消息

風吹紫荆樹色與春庭暮花落辭故枝風回反無處骨肉恩書重漂泊難相遇猶有淚成河經天復東注

劉云苦心

怨調使人淒然終鮮之痛惜於春令死喪之喻未有如此句之苦者末尤可念非深痛不能道

夢李白二首

白坐永玉璘事當誅曾赦還岳陽復坐事下獄

死別已吞聲生別常惻惻

劉云使其死即當不復哭矣乃使人不能忘者生別故也

江南瘴癘地逐客無消息故人入我夢明我長相憶恐

非平生魂路遠不可測魂來楓林青魂返關塞黑君今在

羅網何以有羽翼落月滿屋梁猶疑照顏色水深波浪

濶無使蛟龍得

劉云落月屋梁偶然實景不可再遇

浮雲終日行遊子久不至

劉云起語千言萬恨

三夜頻夢君情親

見君意告歸常局促苦道來不易

劉云夢中實主語具是

江湖多

風波舟楫恐失墜出門搔白首苦負平生志冠蓋滿京

華斯人獨憔悴

劉云語出情痛自別

孰云網恢恢將老身反累千

秋萬歲名寂寞身後事

劉云結極慘
淡情至語塞

幽人

師古云按唐史拾遺惠昭荀
珪與甫友善此詩思二子也

孤雲亦羣遊神物有所歸
麟鳳在赤霄何當一來儀
往與惠荀輩中年滄洲期
天高無消息棄我忽若遺
內懼非道流幽人在瑕疵
洪濤隱語咲鼓枻蓬萊池
崔嵬扶桑日照耀珊瑚枝
風帆倚翠蓋莫把東皇衣
嚙漱元和津所思烟霞微
知名未足稱局促商山芝
五湖復浩蕩歲暮有餘悲

夏日李公見訪

即李炎時為太子家令

遠林暑氣薄公子過我游貧居類村塢僻近城南樓傍

舍頗淳朴所願亦易求隔屋喚西家借問有酒不牆頭

過濁醪

劉云實事他人以為不足道

展席俯長流清風左右至

劉云自得

適然客意已驚秋巢多衆鳥闐葉密鳴蟬稠苦遭此物聒

孰謂吾廬幽水花晚色靜庶足充淹留預恐尊中盡更

起為君謀

晦日尋崔戢李封

朝光入甕牖尸寢驚弊裘起行視天宇春氣漸和柔興
來不暇懶令晨梳我頭出門無所待徒步覺自由杖藜
復恣意免值公與侯晚定崔李交會心真罕儔每過得
酒傾二宅可淹留喜結仁里歡况因令節求李生園欲
荒舊竹頗脩脩引客看掃除隨時成獻酬崔侯初筵色
已畏空尊愁

劉云寫
得農至

未知天下士至性有此不草茅既

青出蜂聲亦暖游思見農器陳何當甲兵休上古葛天
氏不貽黃屋憂至今阮籍等熟醉為身謀威鳳高其翔

長鯨吞九州地軸為之翻百川皆亂流當歌欲一放淚
下恐莫收濁醪有妙理庶用慰沉浮

別唐十五誠因寄禮部賈侍郎至

九載一相逢百年能幾何復為萬里別送子山之阿白
鶴久同林潛魚本同河未知栖集期衰老高歌歌罷
兩悽惻六龍忽蹉跎相視髮皓白況難駐羲和胡星墜
燕地漢將仍橫戈蕭條四海內人少豺虎多少人慎莫
投多虎信所過飢有易子食獸有畏虞羅

梅聖俞云此等語含蓄深

矣殆不可模倣

子負經濟才天門鬱嵯峨飄飄適東周來往若

奔波南宮吾故人白馬金盤陀

蔡夢弼云昔貢達為禮部侍郎常乘白馬故於

至云云金盤陀未詳或云山名

雄筆映千古見賢心靡他念子善師事

歲寒守舊柯為吾謝賈公病肺臥江沱

贈衛八處士

公與李白高適衛賓相友善賓年最少號小友

人生不相見動如參與商今夕復何夕共此燈燭光少
壯能幾時鬢髮各已蒼訪舊半為鬼驚呼熱中腸焉知
二十載重上君子堂昔別君未婚兒女忽成行怡然敬

父執問我來何方問答未及已兒女羅酒漿夜雨剪春
韭新炊間黃粱主稱會面難一舉累十觴十觴亦不醉
感子故意長明日隔山岳世事兩茫茫

劉云陽關之後此語為暢

遣興四首

賀公雅吳語在位常清狂上疏乞骸骨黃冠歸故鄉
爽氣不可致斯人今則亡山陰一茅宇江海日清涼
長陵銳頭兒出獵待明發驛弓金爪鐫白馬蹴微雪
未知所馳逐但見暮光滅歸來懸兩狼門戶有旌節

朝逢富家葬前後皆輝光共指親戚大總麻百夫行送
者各有死不須羨其強君看束縛去亦得歸山岡

劉云
曠然

世外之見
沉著痛快

下馬古戰場四顧俱茫然風悲浮雲去黃葉墜我前朽
骨穴螻蟻又為蔓草纏故老行歎息令人尚開邊漢虜
互勝負封疆不常全安得廉頗將三軍同晏眠

述古

赤驢頰長纓非無萬里姿悲鳴淚至地為問馭者誰鳳

凰從天來何意復高飛
竹花不結實念子忍朝飢
古來君臣合可以物理推
賢人識定分進退固其宜

佳人

絕代有佳人幽居在空谷
自云良家子零落依草木
關中昔喪亂兄弟遭殺戮
戮官高何足論不得收骨肉
世情惡衰歇萬事隨轉燭
夫婿輕薄兒新人美如玉

劉云閑言餘語

無不

合婚

一作昏即夜合花也

尚知時駕鵞不獨宿但見新人笑

那聞舊人哭在山泉水清出山泉水濁
侍婢賣珠迴牽

蘿補郊屋

劉云似悲似訴自言自誓務持煉慨摘花不

挿髮採栢動盈掬天寒翠袖薄日暮倚脩竹

劉云字字矜到而不

艱棘盡
不容盡

寫懷二首

勞生共乾坤何處異風俗冉冉自趨競行行見羈束無
貴賤不悲無富貧亦足萬古一骸骨鄰家遞歌哭鄙夫
到巫峽三歲如轉燭全命甘留滯忘情任榮辱朝班及
暮齒日給還脫粟編蓬石城東採藥山北谷用心霜雪

間不必條蔓綠非關故安排曾是順幽獨達士如弦直
小人似鈎曲曲直吾不知負暄候樵牧

夜深坐南軒明月照我膝驚風翻河漢梁棟已出日羣
生各一宿飛動自儔匹吾亦驅其兒營營為私實天寒
行旅稀歲暮日月疾榮名忽中人世亂如蟣蝨古者三
皇前滿腹志願畢胡為有結繩陷此膠與漆禍首燧人
氏厲階董狐筆君看燈燭張轉使飛蛾密放神八極外
俛仰俱蕭瑟終契如往還得匪合仙術

王洙云燧人火
化而爭欲之心

生並抓直筆而是非之端起
故子美所以謂禍首厲階也

喜晴

皇天久不雨既雨晴亦佳出郭眺西郊蕭蕭春增華青

榮陵陂麥窈窕桃李花春夏各有實我飢豈無涯

劉云善白

寬千戈雖橫放慘澹闔龍蛇甘澤不猶愈且明今未賒

丈夫則帶甲婦女終在家力難及黍稷得種菜與麻千

載商山芝往者東門爪其人骨已朽此道誰疵瑕英賢

遇輒軻遠引蟠泥沙顧慙昧所適迴首白日斜漢陰有

鹿門滄海有靈槎馬能學衆口吐吐空咨嗟

白馬

蔡伯世云此潭州詩主將謂崔權也
為臧玠所殺侯景舉軍皆白馬故云

白馬東北來空鞍貫雙箭可憐馬上即意氣今誰見近

時主將戮中夜商於戰

趙次公云商當作傷

喪亂死多門嗚呼淚

如霰

劉云詩或託興或紀事託
名不必商於不商於也

雨

峽雲行清曉煙霧相徘徊風吹滄海去雨灑石壁來淒淒
生餘寒殷殷蕪在雷白谷變氣候朱炎安在哉高鳥

濕不下居人門未開楚宮久已滅幽珮為誰哀侍臣書
王夢賦有冠古才冥冥翠龍駕多自巫山臺

殿中楊監見示張旭草書圖

斯人已去亡草聖秘難得及茲煩見示滿目一悽惻悲風
生微綃萬里起古色鏘鏘鳴玉動落落羣松植連山蟠其
間溟漲與筆力有練實先書臨池真盡墨俊拔為之主暮
年思轉極未知張王後誰並百代則嗚呼東吳精逸氣感
清識楊公狎篋笥舒卷忘寢食念昔揮毫端不獨觀酒德

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵低
昂各有意磊落如長人佳此志氣遠豈惟粉墨新萬里
不以力羣遊森會神威遲白鳳態非是鶴鷄鄰高堂未
傾覆幸得慰佳賓曝露牆壁外終嗟風雨頻赤霄有真
骨耻飲誇池津冥冥任所往脫畧誰能馴

牽牛織女

牽牛出河西織女處其東萬古永相望七夕誰見同神

光景難候此事終朦朧
踴然精靈合何必秋遂通
亭亭新粧立龍駕且層空
世人亦為爾祈請走兒童
稱家隨豐儉白屋達公宮
膳夫翊堂殿鳴玉淒房櫳
曝衣遍天下曳月揚微風
蛛絲小人態曲綴爪葉中
初筵滾重露日出甘所終
嗟汝未嫁女秉心鬱忡忡
防身動如律竭力機杼中
雖無舅姑事敢昧織作功
明明君臣契咫尺或未容
劉云謂近雖咫尺非如期不合彼淫奔失身不如丈夫之見有不然者當悔何及此十字俱有其意但上面寫不甚達其言君臣之際則可感矣義無棄禮法恩始夫婦恭小

大有佳期戒之在至公方圓苟齟齬丈夫多英雄

義鵲行

陰崖有蒼鷹養子黑栢巔白蛇登其巢吞噬恣朝餐雄
飛遠求食雌者鳴辛酸力強不可制黃口無半存其父
從西歸翻身入長煙斯須領健鵲痛憤寄所宣斗上捩
孤影嗷嗷來九天脩領脫遠枝巨額折老拳

劉云此奇事幸使子

美聞之

高空得蹭蹬短草辭蜿蜒折尾能一掉飽腸已皆

穿生雖滅衆雛死亦垂千年物情有報復快意責目前

茲實驚鳥最急難心惘然功成失所往用捨何其賢近
經滴水湄此事樵夫傳飄蕭覺素髮凜欲衝儒冠人生
許與分亦在顧盼間聊為義鵲行永激壯士肝西清詩話云杜少陵詩自興造化同流孰可擬議至若君子高處廊廟動成法言恨終欠風韻

北風

北風破南極朱鳳日威垂洞庭秋欲雪鴻鴈將安歸十
年殺氣盛六合人煙稀吾慕漢初老時清猶茹芝

唐詩品彙卷八

欽定四庫全書

集部

唐詩品彙卷九至十一

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣懋意誠

欽定四庫全書

唐詩品彙卷九

明 高棟 編

五言古詩九

名家上之

孟浩然

丹陽殷璠曰余嘗謂彌衡不遇趙壹無祿其遇
在人及觀襄陽孟浩然磨折謙退才名曰高
天下焉甚竟淪落明代終於布衣悲夫浩然詩
文彩半耳經緯繇密半遵雅調全削凡體至如

衆山遙對酒孤嶼共題詩無論興衆無復故實
又氣蒸雲臺澤波撼岳陽城亦為高唱皮日
休云明皇世章句之風大得建安體論者推李
翰林杜工部為尤介其間能不愧者惟吾鄉之
孟先生也先生之詩遇景入韻不鉤奇扶異令
壑甌東人口者涵涵然有平大之興若公輸氏
當巧而不用者也北齊美蕭懿笑容露下落楊
柳月中疎先生則有微雲淡河漢疎雨滴梧桐
樂府美王融殘日霽沙島清風動甘泉先生則
有氣蒸雲夢澤波撼岳陽城謝朓之詩句精者露
濕寒塘草月映清淮流先生則有荷風送香氣
竹露滴清響此與古人爭勝於毫釐也稱是者
衆不可悉類嗚呼先生之道復何言耶謂乎貧
則爵于身謂乎死則朽乎文為士之道亦已至
矣王士源序曰孟浩字浩然襄陽人也骨貌
清淑風神散朗學不為儒務掇菁藻文不按古

匠心獨妙五言詩天下稱獨步閒游祕省秋月
新霽諸英華賦詩作會浩然曰微雲淡河漢疎
雨滴梧桐舉坐嘆其清絕咸閣筆不繼又曰
浩然文不為仕佇興而作故遊行不為飾動求
真適故誕遊不為利期以放清故貧嚴滄浪
曰浩然之詩諷咏之久有金石商宮之聲又
曰孟襄陽學力下韓退之遠甚而其詩獨出其
工者一味妙悟而已劉須溪云孟浩然詩如
訪梅問柳偏入幽寺與韋蘇
州意趣雖相似然入處不同

大堤行寄萬七

大堤行樂處車馬相馳突歲歲春草生踏青二三月王
孫挾珠彈游女矜羅襪攜手今莫同江花為誰發

清鏡嘆同張明府賦

妾有盤龍鏡清光常晝發自從生塵埃有若霧中月愁
來試取照坐嘆生白髮寄語邊塞人如何久離別

採樵作

採樵入深山山深水重疊橋崩臥查擁路險垂藤接日
落伴將稀山風拂羅衣長歌負輕策平野望煙歸

月下有懷

秋空明月懸光彩露濕驚鵲棲未定飛螢捲簾入庭

牕寒影踈鄰杆夜深急佳期曠何許望望空佇立

劉云亦自

纖屨與疎雨滴梧桐相
似謂其詩枯淡非也

送從弟下第後歸會稽

疾風吹征帆倏爾向空沒

劉云發興甚苦

千里去俄頃三江坐

超忽向來共歡娛日夕成楚越落羽更分飛誰能不驚
骨

歲暮海上作

仲尼既已沒余亦浮於海
昏見斗柄迴方知歲星改虛

舟任所適垂釣非有待為問乘槎人滄洲復何在劉云
奇壯

淡蕩少
許自足

宿楊子津寄劉處士

所思在夢寐欲往大江深日夕望京口煙波愁我心
馳茅山洞目極楓樹林不見少微隱星霜勞夜吟

宿叢師山房待丁公不至

夕陽度西嶺羣壑倏已暝松月生夜涼風泉滿清聽
人歸欲盡煙鳥栖初定之子期宿來孤琴候蘿逕

劉云
景物

滿眼而清淡之趣更
自浮動非寂寞者

耶溪泛舟

落景餘清暉輕棹弄谿渚澄明愛水物臨泛何容與白
首垂釣翁新粧浣紗女看看似相識脉脉不得語

劉云清溪

麓景閑遠餘情不欲
犯一字綺語自足

游精思觀迴王白雲山人在後

出谷未停牛至家已夕曛迴瞻山下路但見牛羊羣樵
子暗相失草蟲寒不聞衡門猶未掩佇立待夫君

聽鄭五惜琴

阮籍推名飲清風坐竹林半酣下衫袖拂拭龍唇琴一
杯彈一曲不覺夕陽沉余意在山水聞之諧夙心

劉云
樸而

不俚風
韻尚存

萬山潭

垂釣坐磐石水清心亦閒魚行潭樹下猿掛島藤間遊
女昔解珮傳聞於此山求之不可得沿月棹歌還

劉云
如此

風韻古始未有古意淡韻終不
可以衆作律之而衆作愈不可及

晚泊潯陽望香爐峯

掛席幾千里，名山都未逢。
泊舟潯陽郭，始見香爐峯。
嘗讀遠公傳，永懷塵外蹤。
東林精舍近，日暮空聞鐘。

呂氏童蒙

訓云浩然泊潯陽詩但詳看此等語自然意遠也

南亭懷辛子

山光忽西落，池月漸東上。
散髮乘夕涼，開軒臥閒敞。
荷風送香氣，竹露滴清響。
欲取鳴琴彈，恨無知音賞。
感此懷故人，中宵勞夢想。

南歸阻雪

我行滯宛洛日久望京豫曠野莽茫茫鄉山在何處孤
煙村際起歸鴈天邊去積雪覆平皋飢鷹捉寒兔少年
弄文墨屬意在章句十上耻還家徘徊守歸路

劉云曲折淒楚

登闌山寄張立

王荆公選作秋登萬山寄張立儻

北山白雲裏隱者自怡悅相望始登高心隨飛鴈滅愁
因薄暮起興是清秋發

劉云朴而不厭

時見歸村人平沙渡嶺

一作

頭歌

劉云其理至此

天邊樹若薺江畔洲如月何當載酒來共

醉重陽節

漢中漾舟

漾舟逗何處神女漢皋曲

劉云便好

雪罷水復開春潭千丈

綠輕舟恣往來探玩無厭足波影搖妓釵沙光逐人目

傾杯魚鳥醉聯句鶯花續

劉云此雖清事微近俗意知此可以語詩

良會難

再逢日人須秉燭

發漢浦潭

東旭早光芒諸禽已驚聒臥聞漁浦口橈聲暗相撥

劉云

別是一種清氣可人日出氣象分始知汀路濶美人常晏起照影

弄流沫飲水畏驚鰲祭魚時見獺舟行自無悶况值晴

景豁

劉云美人常晏起著此空濶又別起衆作以此

過龍泉精舍

亭午聞山鐘起行散愁寂尋林采芝去谷轉松蘿密旁
見精舍開長廊飯僧畢石渠流雪水金子耀霜橘竹房
思舊遊過憩終永日入洞窺石髓傍崖採蜂蜜日暝辭
遠公虎溪相送出

題終南翠微寺空上人房

翠微終南裏，雨後宜晚照。
閉門久沈冥，杖策一登眺。
遂造幽人室，始知靜者妙。
儒道雖異門，雲林頗同調。
兩心喜相逢，畢竟共談笑。
暝還南牕眠，時見遠山燒。
緬懷赤城標，更憶臨海嶠。
風泉有清聽，何必蘇門嘯。

劉云不必刻深懷抱

洗如

宿桐栢觀

海泛信風帆，夕宿逗雲島。
緬尋滄洲趣，近愛赤城好。
栢

蘿亦踐苔輟棹恣窮討
息陰憇桐栢采秀尋芝草
鶴唳清露垂雞鳴信潮早
願言解纓紱從此去煩惱
高步凌四壁玄蹤得三老
紛吾遠遊意學彼長生道
日夕望三山雲濤空浩浩

尋香山湛上人

朝遊訪名山山遠在空翠
氛氲亘百里日入行始至
谷口聞鐘聲林端識香氣
杖策尋故人解鞍暫停騎
石門殊豁險篁筵轉森邃
法侶欣相逢清談曉不寐
平生慕

真隱累日探多異野老朝入田山僧暮歸寺松泉多逸
響苔壁饒古意願言投此山身世兩相棄

題鹿門山

清曉因興來乘流越江峴沙鳥近方識浦樹遠莫辨漸
至鹿門山山明翠微淺巖潭多屈曲舟楫屢迴轉昔聞
龐德公采藥遂不返金澗養芝朮石牀臥苔蘚紛吾感
耆舊結覽事攀踐隱跡今尚存高風邈已遠白雲何時
去丹桂空偃蹇

僧皎然
云靜也

探討意未窮迴艫夕陽晚

王維

殷璠曰維詩辭秀調雅意新理
壁成繪一句一字皆出常境
蘇東坡曰王右丞
韋蘇州澄澹精緻各在其中又曰味摩詰之
詩詩中有畫觀摩詰之畫畫中有詩
黃山谷
云余頃年登山臨水未嘗不讀摩詰詩故知此
老曾次決定有泉石膏肓之疾矣
陳後山云
右丞蘇州皆學陶王得其自在
彭適云右丞
詩詞不迫切而味甚長蘇州詩韻高而氣清皆
五言之宗也西清詩話云王摩詰詩渾厚閑雅
覆蓋古今但如久隱山林之人徒成曠淡也

羽林騎閨人

秋月臨高城中管絃思離人堂上愁稚子堦前戲出

門復映戶望望青絲騎行人過欲盡狂夫終不至左右
寂無言相看共垂淚

西施詠

艷色天下重西施寧久微朝為越谿女暮作吳宮妃賤

日豈殊衆貴來方悟稀

劉云語有諷
味似淺似深

邀人傳脂粉不自

着羅衣君寵益嬌態君憐無是非

劉云
妙

當時浣紗伴莫

得同車歸持謝鄰家子效顰安可希

李陵詠

時年
十九

漢家李將軍三代將門子結髮有奇策少年成壯士長
驅塞上兒深入單于壘旌旂列相向簫鼓悲何已日暮
沙漠陞戰聲煙塵裏將令驕虜滅豈獨名王侍既失大
軍援遂嬰穹廬耻少小蒙漢恩何堪坐思此深衷欲有
報投軀未能死引領望子卿非君誰相理

送別

下馬飲君酒問君何所之君言不得意歸臥南山陲但
去莫復問白雲無盡時

嘆白髮

我年亦何長
髣髴日已白
俛仰天地間
能為幾時客
惆悵故山雲
徘徊空日夕
何事與時人
東城復南陌

贈劉藍田

籬中犬迎吠
出屋候柴扉
歲晏輸井稅
山村人夜歸
晚田始家食
餘布成我衣
詎肯無公事
煩君問是非

齊州送祖三

相逢方一笑
相送還成泣
祖帳已傷離
荒城復愁入

劉云

只是眼前天寒遠山淨日暮長河急解纜君已遙望君
道不盡者

猶佇立

劉云短
嬾意傷

春中田家作

屋上春鳩鳴村邊杏花白

劉云
好

持斧伐遠揚荷鋤覓泉

脉新燕識舊巢舊人看新歷臨觴忽不御惆悵遠行客

劉云卷耳之後得此吟諷
又云情至自然掩抑有態

別弟綰後登青龍寺望藍田山

陌上新別離蒼茫四郊晦登高不見君故山復雲外遠

樹蔽行人長天隱秋塞心悲遊宦子何處飛征蓋

黎拾遺忻裴迪見過秋夜對雨之作

促織鳴已急輕衣行尚重寒燈坐高館秋雨聞疎鍾
白法調狂象玄言問老龍何人顧蓬逕空愧求羊縱

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲煙
故人不可見河水復悠然賴有政聲遠時聞行路傳

終南別業

中歲頗好道晚家南山陲興來每獨往勝事空自知行

到水窮處坐看雲起時

劉云無言之境不可說之味不知者以為淡易偶然值

林叟談笑無還期

劉云其質如此故自難及後湖集云此詩造意之妙至與造物相表裏

豈直詩中有畫哉觀其詩知其蟬蛻塵埃之中崢嶸萬物之表者也

秋夜獨坐懷內弟崔興宗

夜靜羣動息蟋蟀聲悠悠庭槐北風響日夕方高秋思

子整羽翮及時當雲浮吾生將白首歲晏思滄洲高足

在旦暮肯為南畝儔

奉寄韋太守陟

荒城自蕭索萬里山河空天高秋月迴嘹唳聞歸鴻寒
塘映衰草高館落疎桐臨此歲方晏顧景問悲翁故人
不可見寂寞平林東

渭川田家

斜光照墟落窮巷牛羊歸野老念僮僕倚杖候荆扉雉
雊麥苗秀蠶眠桑葉稀田夫荷鋤立相見語依依即此
美閒逸悵然歌式微

過李揖宅

閒門秋草色終日無車馬客來深巷中天吠寒籬下散
髮時未簪道書行尚把與我同人心樂道安貧者一罷
宜城酌還歸洛陽社

奉和聖製送不蒙都護兼鴻臚卿歸西安

上卿增命服都護揚歸旆雜虜盡朝周諸胡皆自鄯鳴
笳瀚海曲按節陽關外落日下河源寒山靜秋塞萬方
氛複息六合乾坤大無戰是天心天心同覆載

韋侍郎山居

幸忝君子顧遂陪塵外蹤
閒花滿巖谷瀑水映杉松
啼鳥忽臨澗歸雲時抱峯
良遊盛簪紱繼跡多雙龍
詎往青門道故聞長樂鐘
清晨去朝謁車馬何從容

送權二

高人不可有清論復何深
一見如舊識一言知道心
明時當薄宦解薛去中林
芳草空隱處白雲餘故岑
韓侯久攜手河岳共幽尋
悵別千餘里臨堂鳴素琴

納涼

喬木萬餘株清流貫其中前臨大川口豁達來長風連
漪含白沙素鱗如遊空偃臥磐石上翻濤沃微躬漱流
復濯足前對釣魚翁貪餌凡幾許徒思蓮葉東

崔濮陽兄季重前山興

秋色有佳興況君池上閒悠悠西林下自識門前山

劉云

又別又別有道之言千里橫黛色數峯出雲間嵯峨對秦國合沓

藏荆闕殘雨斜日照夕嵐飛鳥還故人今尚爾嘆息此

顏顏

冬日遊覽

步出城東門試騁千里目青山橫蒼林赤日團平陸

劉云

下字佳渭北走邯鄲關東出函谷秦地萬方會來朝九州

牧劉云平實悲壯古意雅辭樂府所少雞鳴咸陽中冠蓋相追逐丞相過

列侯羣公餞光祿相如方老病獨歸茂陵宿

劉云更似不須語言

飯覆釜山僧

晚知清淨埋日與人群疎將候遠山僧先期掃敝廬果

從雲峰裏顧我蓬蒿居
藉草飯松屑焚香看道書
燃燈晝欲盡鳴磬夜方初
一悟寂為樂此生閒有餘
思歸何必深身世猶空虛

宿鄭州

朝與周人辭暮投鄭人宿
他鄉絕儔侶孤客親童僕
宛洛望不見秋霖晦平陸
田父草際歸村童雨中牧
主人東舉上時稼繞茅屋
蟲思機杼鳴雀喧禾黍熟
明當渡京水昨晚猶金谷

劉云藹然
應闕之情

此去欲何言窮邊徇微祿

留別山中溫古上人兄并示舍弟縉

解屨登天朝去師偶時暫豈唯山中人兼負松上月宿
昔同遊止致身雲霞末開軒臨潁陽臥視飛鳥沒好依
磐石飯屢對瀑泉歇理齊少狎隱道勝寧外物舍弟官
崇高宗兄此削髮荆扉但灑掃乘閒當過拂

觀別者

青青楊柳陌陌上別離人愛子遊燕趙高堂有老親不
行無可養行去百憂新切切委兄弟依依向四鄰

劉云
兩語

紀都門帳飲畢從此謝親賓揮淚逐行侶含悽動征輪
車從望不見時時起行塵余亦辭家者看之淚滿巾

送別

聖代無隱者英靈盡來歸遂令東山客不得顧採薇既
至君門遠孰云吾道非江淮度寒食京洛縫春衣置酒
臨長道同心與我違行當浮桂棹未幾拂荆扉遠樹帶
行客孤城當落暉

劉云帶字畫意當字天然

吾謀適不用勿謂知音

稀

休暇還舊業便使

劉云唐選
作盧象詩

謝病始告歸依依入桑梓家人皆佇立相候柴門裏時
輩皆長年成人舊童子上堂家慶畢願與姻親齒論舊
忽餘悲自存且相喜田園轉蕪沒但有寒泉水衰柳日
蕭條秋光清邑里入門乍如昨休騎非便止中飲顧王
程離憂從此始

送陸員外

郎署有伊人居然古人風天子顧河北詔書隸征東拜

手辭上官緩步出南宮九河平原外七國薊門中陰風
悲枯桑古塞多飛蓬萬里不見虜蕭條胡地空無為費
中國更欲邀奇功遲遲前相送握手嗟異同行當封侯
歸肯訪南山翁

戲贈張五弟

吾弟東山時心尚亦何遠日高猶自臥鐘動始能飯劉云
不必其人頭上髮未梳牀頭書不卷清川興悠悠空林
直自輸寫青苔石上淨細草松下軟牕外鳥聲閒階前虎
時對偃

心善徒然萬慮多
澹爾太虛緬一知
與物平自顧為人
淺對君忽自得浮
念不煩遣

送魏郡李太守赴任

與君伯氏別又欲與君離
君行無幾日當復隔山陂
蒼茫秦川盡日落桃林塞
獨樹臨關門黃河向天外
前輕洛陽陌宛路故人稀
故人離別盡淇上轉驂駢
余悲遠送惆悵睢陽路古
木官渡平秋城鄴宮暮想
君行縣日其出從如雲遙
思魏公子復憶李將軍

贈祖三詠

蟪蛄掛虛牖蟋蟀鳴前除歲晏涼風至君子復何如
高館閨無人離居不可道閉門寂已閉落日照秋草雖有
近音信千里阻河關中復客汝潁去年歸舊山結交二
十載不得一日展貧病子既深契濶余不淺仲秋雖未
歸莫秋以為期良會詎幾日終自長相思

贈房盧氏琯

達人無不可忘已愛蒼生豈復小千室絃歌在兩楹浮

人日已歸但坐事農耕桑榆鬱相望邑里多雞鳴秋山
一何淨蒼翠臨寒城視事無偃臥對書不簪纓蕭條人
吏稀鳥雀下空庭鄙夫心所向晚節異平生將從海岳
居守靜解天刑或可累安邑茅茨君試營

送綦母校書棄官還江東

明時久不達棄置與君同天命無怨色人生有素風念
君拂衣去四海將安窮秋天萬里靜日暮澄江空清夜
何悠悠扣舷明月中和光魚鳥際澹爾無葭叢無庸客

昭世衰鬢日如蓬
頑踈暗人事僻陋
達天聰微天縱可
採其誰為至公
今亦從此去歸耕
為老農

偶然作

陶潛任天真其性頗耽酒
自從棄官來家貧不能有
九月日時菊花空滿手
中心竊自思倘有人送否
白衣攜壺觴果來遺老叟
且喜得斟酌安問升與斗
舊衣野田中今日嗟無負
兀傲迷東西蓑笠不能守
傾倒強行行酣歌歸五柳
生事不曾問肯愧家中婦

哭殷遙

人生能幾何畢竟歸無形念君等為死萬事傷人情慈
母未及葬一女纔十齡決濟塞郊外蕭條聞哭聲浮雲
為蒼茫飛鳥不能鳴行人何寂寞白日自淒清憶昔君
在時問我學無生勸君苦不早令君無所成故人各有
贈又不及平生負爾非一連痛哭返柴荆

送從弟蕃遊淮南

讀書復騎射帶劍遊淮陰淮陰少年輩千里遠相尋高

義難自隱明時寧陸沉
島夷九州外泉館三山深
席帆聊問罪丹服盡成擒
歸來見天子拜爵賜黃金
忽思鱸魚膾復有滄洲心
天寒蒹葭渚日落雲夢林
江城下楓葉淮上聞
秋砧送歸青門外車馬去
駸駸惆悵新豐樹
空餘天際禽

丁寓田家有贈

君心尚栖隱久欲傍歸路
在朝每為言解印果成趣
晨雞鳴鄰里羣動從所務
農夫行餉田閨婦起縫素
開軒

御衣服散帙理章句時吟招隱詩或製閒居賦新晴望
郊郭日映桑榆暮陰盡小苑城微明渭川樹揆予宅間
并幽賞何由屢道存終不忘跡異難相遇此時惜別離
再來芳菲度

藍田石門精舍

落日山水好漾舟信歸風玩奇不覺遠因以緣源窮遙
愛雲木秀初疑路不同安知清流轉偶與前山通

劉云此景

自常有之其詩亦捨舟理輕策果能愜所適老僧四五

人逍遙蔭松柏朝梵林未曙夜禪山更寂道心及牧童
世事問樵客暝宿長林下焚香臥瑤席澗芳襲人衣山
月映石壁再尋畏迷誤明發更登歷劉云世外好事語笑謝桃
源人花紅復來覲

送韋大夫東京留守

人外遺世慮空端結遐心曾是巢許淺始知堯舜深蒼
生詎有物黃屋如喬林上德撫神運冲和穆宸襟雲雷
康屯難江海遂飛沈天工寄人英龍袞瞻君臨名罷苟

不假保疆固其任素質貫方領清景照華簪慷慨念王
室從容獻官箴雲旗蔽三川畫角發龍吟晨揚天漢聲
夕捲大河陰窮人業已寧逆虜遺之擒然後解金組拂
衣東山岑結事黃門省秋光正沉沉功名與身退老病
隨年侵君子從相訪重玄其可尋

唐詩品彙卷九

欽定四庫全書

唐詩品彙卷十

明 高棟 編

五言古詩十

名家

上之二

王昌齡

殷云元嘉以還四百年內曹劉陸謝風骨頓盡
頃有太原王昌齡魯國儲光羲頗從厥跡且兩
賢氣同體別而王稍聲後至如明堂坐天子月
朔朝諸侯清樂動千門皇風被九州慶雲從東

來決泚抱日流又雲起大華山雲山互明滅東
峯始涵景了了見松雪又櫛櫛無冬春柯葉連
峯稠陰壁下蒼黑烟舍清江樓疊沙積為岡崩
剝雨露幽石脉盡橫亘潛潭何時流又京門望
西岳百里見郊樹飛向祠上來靄然闕中暮又
奸雄乃得志遂使羣心搖赤風蕩中原烈火無
遺巢一人計不用萬里空蕭條又百泉勢相蕩
巨石皆卻立昏為蛟龍怒清見雷雨入又去時
三十萬獨自還長安不信沙場苦君看刀箭藏
又蘆荻寒滄江石頭岸邊飲又長亭酒未醒千
里風動地天仗森森練雪凝身騎鐵驄白鷹臂
斯並驚耳駭回今畧舉其十數句則中興高作
可知矣余嘗親王公長平伏冤文弔叔道賦仁
有餘也奈何晚節不矜細行謗議沸騰再歷遐
荒使知音歎息唐史稱其詩緒密而思清時
謂王江寧云蓋書齡書出官江寧故岑參亦有

送王武昌齡赴江寧詩
昌齡又有別意猿鳥
外天寒桂水長等句見僧皎然杼山詩式

塞上曲三首

蟬鳴桑樹間八月蕭關道出塞入塞寒處處黃蘆草從
來幽并客皆共沙塵老莫學遊俠兒矜誇紫騮好
飲馬渡秋水水寒風似刀平沙日未沒黯黯見臨洮昔
日長城戰咸言意氣高黃塵足今古白骨亂蓬蒿
秋風夜渡河吹卻鴈門桑遙見胡地獵韞馬宿嚴霜五
道分兵去孤軍百戰場功多翻下獄士卒但心傷

少年行

西陵俠少年送客短長亭青槐夾兩道白馬如流星聞
有羽書急單于寇井陘氣高輕赴難誰顧燕山銘

從軍行

向夕臨大荒朔風軫歸慮平沙萬里餘飛鳥宿何處虜
騎獵長原翩翩傍河去邊聲搖白草海氣橫黃霧百戰
苦風塵十年履霜露雖投定遠筆未坐將軍樹早知行
路難悔不理章句

長歌行

曠野饒悲風，颼颼多蒿草。
繫馬倚白楊，誰知我懷抱。
所是同袍者，相逢盡衰老。
況登漢家陵，南望長安道。
上有枯樹根，下有石鼠窠。
高皇子孫盡，千載無人過。
寶玉頻發掘，精靈其奈何。
人生須達命，有酒且高歌。

放歌行

南渡洛陽津，西望十二樓。
明堂坐天子，月朔朝諸侯。
清樂動千門，皇風被九州。
慶雲從東來，泱泱抱日流。
昇平

貴論道文墨將何求有詔徵草澤徵誠將獻謀冠冕如
星羅拜揖曹與周望塵非吾事入賦且遲留幸蒙國士
識因脫負薪裘今者放歌行以慰梁甫愁但營數斗祿
奉養每豐羞願得金膏遂飛雲亦可儔

初日

初日淨金閨先照牀前暖斜光入羅幙稍稍親絲管雲
髮不能梳楊柳更吹滿

太湖秋夕

水宿煙雨寒洞庭霜落微月明移舟去夜靜魂夢歸暗
覺海風度蕭蕭聞鴈飛

宿裴氏山莊

蒼蒼竹林暮吾亦知所投靜坐山齋月清谿聞遠流西
峰下微雨向晚白雲收遂解塵中組終南春可遊

靜法寺東齋

築室在人境遂得真隱情春盡草木變雨來池館清琴
書全雅道視聽已無生閉戶脫三界白雲自虛盈

潞府客亭寄崔鳳童

蕭條郡城閉旅館空寒煙秋月對愁客山鐘搖暮天新
知偶相訪斗酒情依然一宿阻長會清風徒滿川

送李濯遊江東

清洛日夜漲微風引孤舟離腸便千里遠夢生江樓楚
國橙橘暗吳門煙雨愁東南具今古歸望山雲收

山中別龐十

幽陰松篠遲月出寒蟬鳴散髮卧其下誰知孤隱情吟

時白雲合釣處玄潭清瓊樹芳香藹鳳兮保其貞

齋心

女蘿覆石壁谿水幽朦朧紫葛蔓黃花娟娟寒露中朝
飲花上露夜臥松下風雲英化為水光彩與我同日月
蕩精魄寥寥天府空

同從弟銷南齋翫月憶山陰崔少府

高卧南齋時開帷月初吐清輝淡水木演漾在牕戶冉
冉幾盈虛澄澄變今古美人清江畔是夜越吟苦千里

其如何微風吹蘭杜

巴陵劉處士東齋作

劉生隱岳陽心遠洞庭水
偃帆入山郭一宿楚雲裏
竹映秋館深月寒江門起
煙波桂陽接日夕數千里
娟娟清夜後孤舟坐如此
湘中有來鴈雨雪候音旨

九江口作

漣漣江勢濶雨開潯陽秋
驛門是高岸望盡黃蘆洲
水與五谿合心期萬里遊
明時無棄材謫去隨孤舟
驚鳥立

寒木丈夫佩吳鉤何當報君恩却繫單于頭

獨遊

林臥情自閒獨遊景常宴時從灞陵下隨釣往南澗手

攜雙鯉魚目送千里鴈悟彼非有適知此罹憂患

僧皎然云

取嵇生目送歸鴻手攜五絃俯仰自得遊心太玄之意也

放之清泠泉因得省踈慢

永懷青岑客迴首白雲間超然物無違豈繫名與官

灞上閒居

鴻都有歸客偃臥滋陽村軒冕無枉顧清川照我門空

林網夕陽寒鳥赴幽園廓落時得意懷哉莫與言庭前
有孤鶴欲啄常翩翩為我銜素書弔彼顏與原二君既
不朽所以慰其魂

過華陰

雲起太華山雲山互明滅東峯始含景了了見松雪
羈人感幽栖宵映轉奇絕欣然忘所疲永望吟不輟信宿
百餘里出關玩新月何意昨冥冥遇物遂遷別人生屢
如此何以肆愉悅

東京府縣諸公與綦毋潛李頎相送至白馬寺

宿

鞍馬上東門徘徊入孤舟
賢豪相追送即棹千里流
赤峰落日在空波微煙收
宦薄忘機枯醉來却淹番月
明見古寺林下登高樓
南風開長廊夏夜如涼秋
江月照吳縣西歸夢中遊

諸官遊招隱寺

山館人已空青蘿換風雨
自從永明世月向龍宮吐
鑿井

長幽泉白雲今如古應真坐松栢錫杖掛牕戶口云七
十餘能救諸有苦回指巖樹花如聞道場鼓金色身壞
滅真如性無主僚友同一心清光遣誰取

風涼原上作

陰岑宿雲歸霧露滋松栢風淒日初晚下嶺望川澤遠
山無遺明秋水千里白佳氣盤未央聖人在凝碧闕門
阻天下信是帝王宅海內方晏然廟堂有奇策時真守
全運罷去遊說客余忝蘭臺人幽尋免貽責

江上聞笛

橫笛怨江月扁舟何處尋聲長楚山外曲繞胡關深相
去萬餘里遙傳此夜心寥寥浦漱寒響盡唯空林不知
誰家子復奏邯鄲音水客皆擁棹空霜遂盈襟羸馬望
北走遷人悲越吟何當邊草白旌節隴城陰

詠史

荷畚至洛陽牧馬屯北門天下裂其土豺狼滿中原明
夷方濟世歛翼黃埃昏披雲見龍顏始蒙國士恩位重

謀亦深所舉無遺奔長策寄臨終東南不可吞賢智苟
有時貧賤何所論唯然嵩山老而後知我言

訓鴻臚裴主簿雨後北樓見贈

此篇又見
高適集中

暮霞照新晴歸雲猶相逐有懷晨昏暇想見登眺目問
禮侍彤檐題詩訪茅屋高樓多古今陳事滿陵谷地久
微子封臺餘孝王築徘徊顧雲漢豁達俯川陸遠水對
孤城長天向喬木公門何清靜列戟森已肅不嘆攜手
稀常思著鞭速終當拂羽翰輕舉隨鴻鵠

觀江淮名山圖

刻意吟雲山尤知隱淪妙遠公何為者再詣臨海嶠而
我高其風披圖得遺照援毫無逃境遂展千里眺淡掃
荆門壁明標赤城燒青蔥林間嶺隱見淮海微但指香
爐頂無聞白猿笑沙門既云滅獨往豈殊調感對懷拂
衣胡寧事漁釣安期始遺舄千古謝榮耀投跡庶可齊
滄浪有孤棹

送十二兵曹

縣職如長纓終日檢我身平明趨郡府不得展故人故
人念江湖富貴如埃塵跡在我府掾心遊天台春獨立
浦邊鶴白雲長相親南風忽至吳分散還入秦寒夜天
光白海靜月色真對坐論歲暮絃歌起無因平生驅馳
分非謂杯酒仁出處兩不合忠貞何由伸看君孤舟去
且欲歌垂綸

緱氏尉沈興宗置酒南谿留贈

林色與谿古深篁隱幽翠山尊在漁舟棹月情已醉始

窮清源口壑絕人境異春泉滴空崖萌草拆陰地久之
風榛寂遠聞樵聲至海鴈時獨飛永然滄洲意古時青
冥客滅跡淪一尉吾子躊躇心豈其紛埃事緱岑信所
赴濟北予乃遂齊物意已會息肩理猶未卷舒形性表
脫畧賢哲議乘月期角巾飯僧高陽寺

鄭縣宿陶大公館贈馮六元二

儒有輕王侯脫畧當世務本家藍田中非為漁弋故無
何困躬耕且欲馳水路幽居與君近出谷同所鶩昨日

辭石門五年變秋露雲龍未相感干謁亦已屢子為黃
綬羈余忝蓬山顧京門望西岳百里見郊樹飛雨祠上
來靄然關中暮驅車鄭城宿秉燭論往素山月出華陰
開此河渚霧清光比故人豁達展心晤馮公尚戢翼元
子仍跼步拂衣易為高論跡難有趣張范善始終吾等
豈不慕罷酒當涼風屈伸備冥數

代扶風主人答

殺氣凝不流風悲月彩寒浮埃起四遠遊子迷不歡依

然宿扶風沽酒聊自寬寸心亦無理長缺誰能彈主人
就我飲顧我還慨然便泣數行淚因歌行路難十五殺
邊城三回討樓蘭連年不解甲積日無所餐將軍降匈奴
國使沒桑乾去時三十萬獨自還長安不信沙場苦
君看刀箭癡鄉親零落盡塚墓亦摧殘仰攀青松枝慟
絕摧心肝禽獸悲不去路傍誰忍看幸逢休明代寰宇
靜波瀾老馬思伏櫪長鳴力已殫少年與運會何事發
悲端天子初封禪賢良刷羽翰三邊悉如此否泰亦須

觀

儲光羲

殷璠云儲公詩格高調逸趣遠情深削盡常言
挾風雅之道得浩然之氣述華清宮詩云山開
鴻濛色天轉招搖星又遊茅山詩云山門入松
栢天路涵空虛此例數百句已畧見荆揚集不
復廣引璠嘗觀公正論十五卷九經外義疏甘
卷言博理當實可謂經國之大材樂城遺言
云儲光羲詩高處似陶
淵明平處似王摩詰

野田黃雀行

嘖嘖野田雀不知軀體微間穿深叢裏爭食復爭飛窮

老一頽舍棗多桑葉稀無棗猶可食無桑何以衣蕭條
空倉暮相引時來歸斜路豈不捷渚田豈不肥水長路
且壞惻惻與心違

劉須溪云興寄雜出無不
有味愈古愈淡愈淡愈濃

樵父詞

山北饒朽木山南多枯枝枯枝作採薪爨室私自詰
朝礪斧尋視暮行歌歸先雪隱薜荔迎暄臥茅茨清澗
日濯足喬林時曝衣終年登險阻不復憂安危蕩漾與
神遊莫知是與非

劉云不憂已好神遊更高
是在莊子言外實証實悟

漁父詞

澤魚多鳴水溪魚好上流漁梁不得意下渚潛垂鉤
亂荇時礙楫新蘆復隱舟靜言念終始安坐看沈浮
素髮隨風揚遠心與雲遊逆浪還極浦信潮下滄洲
非為徇形役所樂在行休

牧童詞

不言牧田遠不道牧陂深所念牛馴擾不亂牧童心
圓笠覆我首長蓑披我襟方將憂暑雨亦以懼寒陰
大牛

隱層坂小牛穿近林同類相鼓舞觸物成謳吟取樂須
臾間寧問聲與音

採蓮詞

淺渚荇花亂深潭菱葉疎獨往方自得耻邀淇上姝廣
江無術阡大澤絕方隅浪中海童語林下鮫人居春鴈
時隱舟新萍復滿湖采采乘日暮不思賢與愚

劉云必欲總與

人異

採菱詞

濁水菱葉肥清水菱葉鮮義不遊濁水志士多苦言潮
沒具區數潦深雲夢田朝隨北風去暮逐南風旋浦口
多漁家相與邀我船飯稻以終日蓴羹將永年方冬水
物窮又欲休山樊盡室相隨從所貴無憂患

劉云懇款
備至不在

多不
在深

射雉詞

曝暄理新翳迎春射鳴雉原田遙一色皋陸曠千里遙
聞伊喔聲時見雙飛起暮懸疎蒿下毬毬深叢裏顧敵

已忘生爭雄方決死仁心貴勇義豈能復傷此超遙下
故墟迢遞回高時大夫昔何苦取笑歡妻子

劉云只如此
自極餘味

猛虎詞

寒亦不憂雪饑亦不食人人肉豈不甘所惡傷明神太
室為我宅孟門為我鄰百獸為我膳五龍為我賓蒙馬
一何威浮江亦以仁彩章耀明日爪牙雄武臣高雲逐
氣浮厚地隨聲震君能賈餘勇日夕長相親

劉云諸詞
一樣得古

章句體不

須別意

釣漁灘

垂釣綠灣春
春深杏花亂
潭清疑水淺
荷動知魚散
日暮待情人
維舟綠楊岸

幽居

幽人下山徑
去去夾青林
滑處莓苔濕
暗中蘿薜深
春朝煙雨散
猶帶浮雲陰

題太玄觀

門外車馬喧
門裏宮殿清
行即翳若木
坐即吹玉笙
所

喧既非我

劉云是

真道其冥冥

述華清宮

上林神君宮此地即明庭山開鴻濛色天轉招搖星三

雪報大有孰謂非我靈

劉云得洞歌體

貽韋鍊師

精思莫知日意靜如空虛三鳥自來去九光遙卷舒彩
地近天井玉宇停雲車余亦苦山路洗心祈道書

霽後貽馬十二巽

高天風雨散清氣在園林況我夜初靜當軒鳴綠琴雲
開北堂月庭滿南山陰不見長裾者空歌遊子吟

題陸山人樓

幾聲雜初鴈夜色涵早秋獨見海中月照君池上樓山
雲拂高棟天漢入雲流不惜朝光滿其如千里遊

陸著作輓辭二首

世業江湖側郊園休沐處猶言五日歸未道千秋去鄉
亭春水綠昌閣寒光暮昔為畫錦遊今成逝川路

劉云
好似

詩選

歸路秦城下寒雲慘平田故園滄海邊綠柳覆平川送
客異他日還舟殊昔年華亭有明月長向隴頭懸

泛茅山東谿

清晨登仙峰峰遠行未極江海霽初景草木含新色而
我任天和此時聊動息望鄉白雲裏發棹清谿側松栢
生深山無心自貞直

喫茗粥作

當晝暑氣盛鳥雀靜不飛念君高梧陰復解山中衣數
片遠雲度曾不蔽炎暉淹番膳茶粥共我飯蕨薇敝廬
既不遠日暮徐徐歸

遊茅山五首

十年別鄉縣西去入皇州此意在觀國不言空遠遊九
衢平若水利往無輕舟北洛反初路東江還故丘春山
多秀水碧澗盡清流不見子桑扈當從方外求

劉云
甚悲

世業傳儒行行成非不榮其如懷獨善況以聞長生家

近華陽洞早年深此情巾車雲路入理棹瑤溪行天地
朝光滿江山春色明王廷有軒冕此日方知輕

平生非作者望古懷清芬心以道為際行將時不羣茲
山在人境靈既久傳聞遠勢一峰出近形千嶂分冬春
有茂草朝暮多鮮雲此去亦何極但言西日曛

昔賢居柱下今我去人間良以直心曠兼之外視間垂
綸非釣國好學異希顏落日登高嶼悠然望遠山谿流
碧水去雲帶清陰還相見中林士巖扉長不關

卷十
名岳徵仙事清都訪道書山門入松栢天路涵空虛南
極見朝采西潭聞夜漁遠心尚雲宿浪跡出林居為已
存實際忘形同化初此行良已矣不樂復何如

述降聖觀

一山盡天苑一峰開道宮道花飛羽衛天鳥遊雲空玉
殿俯玄水春旗搖素風夾門小松栢覆井新梧桐自昔
大仙下乃知元化功神皇作桂館此意與天通

題盼上人禪居

真王清靜子燕居復行心結宇鄰居邑寤言非遠尋丹
青丈室滿草樹一庭深秀色玄冬發交枝白日陰江流
映朱戶山鳥鳴香林獨往已寂寂安知浮與沈

過新豐道中

二十八年
有詔種果

西下長樂坂東入新豐道雨多車馬稀道上生秋草太
陰閼臯陸不知晚與早雷雨杳冥冥川谷漫浩浩詔書
植嘉木衆言桃李好自愧無此容歸從漢陰老

夜到京口入黃河

金
卷十
河洲多青草朝暮增客愁客愁惜朝暮枉渚暫停舟中
宵大川靜解纜逐歸流浦淑既清曠汭洄非阻脩登艫
望落月擊汰悲新秋倘遇乘槎客永言星漢遊

使過彈箏峽作

鳥雀知天雲羣飛復羣鳴原田無遺粟日暮滿空城達
士憂世務鄙夫念王程晨過彈箏峽馬足淩競行雙壁
隱靈曜莫能知晦明皚皚堅水白漫漫陰雲平始信古
人言苦節不可貞

行子苦風泊來舟貽潘少府

潘時在
後浦

行子苦風潮維舟未能發宵分卷前幔卧視清秋月四
澤蒹葭深中州煙火絕蒼蒼水霧起落落疎星沒所遇
盡漁樵與言多楚越其如念極浦又以思明哲常若干
餘里况之異鄉別

仲夏入園東陂

方塘深且廣伊昔俯吾廬環岸垂綠柳盈潭發紅蕖上
延北原秀近屬幽人居暑雨若混沌清明如空虛北鄉

多隱逸水陸見樵漁廢賞亦何貴為歡良易攄且言重
觀國當此賦歸歟

效古二首

晨登涼風臺暮走邯鄲道曜靈何赫烈四野無青草大
軍北集燕天子西居鎬婦人役州縣丁男事征討老幼
相別離哭泣無昏早稼穡既殄絕川澤復枯槁曠哉遠
此憂冥冥商山皓

東風吹大河河水如倒流河洲塵沙起有若黃雲浮潁

霞燒廣澤洪曜赫高丘野老泣相語無地可蔭休翰林
有客卿獨負蒼生夏中夜起躑躅思欲獻厥謀君門峻
且深踈足空夷猶

雜詩二首

混沌本無象末路多是非達士志寥廓所在能忘機耕
鑿時未至還山聊采薇虎豹對我蹲驚驚倚我飛仙人
空中來謂我勿復歸格澤為君駕虹霓為君衣西遊崑
崙墟可與世人違

秋氣肅天地太行高崔嵬猿鼯清夜吟其聲亦何哀寂
寞掩圭華夢寐遊蓬萊琪樹遠亭亭玉堂雲中開洪崖
吹簫管玉女飄飄來雨師既洗道後路無纖埃鄙哉楚
襄王獨如陽雲臺

終南幽居獻蘇侍郎二首

中歲尚微道始知將谷神抗策還南山水木自相親深
林開一道青嶂成四鄰平明去採薇日入行刈薪雲歸
萬壑暗雪罷千巖春始看玄鳥來已見瑤華新寄言塞

芳者無廼後時人

劉云清
灑深麗

卜築青巖裏雲蘿四垂陰虛室若無人喬木自成林時

有清風至側聞樵採音

劉云幽
素成章

鳳皇鳴南岡望望隔層

岑既言山路遠復道溪流深倏佻空中遊虬龍水中吟

何當見輕翼為我達遠心

題應聖觀

空中望小山山下見餘雪皎皎河漢女在茲養真骨登
門駭天書啟籙問仙訣池光搖水霧銓色連松月合塲

起花臺折草成玉節天雞弄白羽王母垂玄髮北有上年宮一路在雲霓上心方嚮道時復遊金闕

至間居精舍

即天后故宮

太室三招提其趣皆不同不同非一趣況是天遊宮雙嶺前夾門閣道復橫空寶坊若花積宛轉不可窮流泉自成池青松信饒風秋晏景氣迴晶明丹素功近將隱者鄰遠與西山通大師假惠照念以息微躬

酬綦母校書夢遊耶溪見贈之作

校文在仙掖每有滄洲心況以北牕下夢遊清溪陰春
看湖口漫夜入迴塘深往往纜垂葛出舟望前林山人
松下飯釣客蘆中吟小隱何足賢長年固可尋還車首
東道惠言若南金以我採薇意傳之天姥岑

田家即事

呂覽云冬至菖生於是始耕
汜勝之書杏始華輒耕輕土

蒲葉日已長杏花日已滋老農要看此貴不違天時迎
晨起飯牛雙駕耕東菑蚯蚓土中出田鳥隨我飛羣合
亂啄噪嗷嗷如道飢我心多惻隱顧此兩傷悲撥食與

田烏日暮空筐歸親戚更相謂我心終不移

同王十三維偶然作四首

仲夏日中時草木看欲焦田家惜功力把鋤來東臯
顧望浮雲陰往往誤傷苗歸來悲困極兄嫂共相饒
無錢可沽酒何以解劬勞夜深星漢明庭宇虛寥寥
高柳三五株可以獨逍遙

北山種松柏南山種蒺藜出入雖同趣所向各有宜
孔丘貴仁義老氏好無為我心若虛空此道將安施
雙過

伊闕間曉曉三伏時高閣入雲中芙蓉滿清池要自非
我室還望南山陲

野老本貧賤冒暑鋤瓜田一畦未及終樹下高枕眠荷
篠者誰子皤皤來息肩不復問鄉墟相見但依然腹中
無一物高話羲皇年落日臨層隅逍遙望晴川使婦持

蠶筐呼童傍漁船悠悠泛綠水去摘浦中蓮蓮花艷且

美使我不能還

劉云又入別調
轉覺幽遠何也

浮雲在虛空隨風復卷舒我心方處順動作何憂虞但

言嬰世網不復得閒居迢遞別東國超遙來西都見人
乃恭敬曾不問賢愚雖若不能言中心亦難誣故鄉滿
親戚道遠日以踈偶欲陳此意復無南飛鳬

田家雜興八首

劉云首首皆
妙有此田家

春至鵲鷓鳴薄言向田墅不能自力作黽勉娶鄰女既
念生子孫方思廣田圃閒時相顧笑喜悅好禾黍夜夜
登嘯臺南望洞庭渚百草被霜露秋山響砧杵却羨故
年時中情無所取

劉云真隱者
達俗之談

衆人耻貧賤相與尚膏腴我情既浩蕩所樂在畋漁山
澤時晦冥歸家暫間居滿園種葵藿繞屋樹桑榆禽雀
知我閒翔集依我廬所願在優游州縣莫相呼日與南

山老兀然傾一壺

劉云淵
明之趣

逍遙阡陌上遠近無相識落日照秋山千巖同一色網

罟繞深莽鷹鷂始輕翼獵馬既如風奔獸莫敢息駐旗
滄海上犒士吳宮側楚國有夫人性情本真直鮮禽徒

自致終歲竟不食

劉云以是作結
矯矯不意出此

田家趨壠畝當晝掩虛闕鄰里無煙火兒童共幽閒
桔槔懸空圃雞犬滿桑間時來農事隙採藥遊名山但言
所採多不念路險艱人生如蜉蝣一往不可攀君看西
王母千載美容顏

貧士養性情不復知憂樂

劉云
又好

去家行賣畚留滯南陽

郭秋至黍苗黃無人可刈穫孺子朝未飯把竿逐鳥雀
忽見梁將軍乘車出宛洛意氣軼道路光輝滿虛落安
安負薪者啞啞笑輕薄

楚山有高士梁國有遺老築室既相鄰同田復同道糗
糒常共飯兒孫每更抱忘此耕耨勞愧彼風雨好蟪蛄
鳴空澤鷓鴣傷秋草日夕寒風來衣裳苦不早

劉云別
是一種

意味言
外悄然

梧桐蔭我門薜荔網我屋超超兩夫婦朝出暮還宿稼
穡既自種牛羊還自牧日旰懶耕鋤登高望川陸空山
足禽獸墟落多喬木白馬誰家兒聯翩相馳逐

劉云不
着一語

意自然

箇中

種桑百餘樹種黍三十畝衣食既有餘時時會賓友夏
來菰米飯秋至菊花酒孺人喜逢迎穉子解趨走日暮
閒園裏團團蔭榆柳酩酊乘夜歸涼風吹戶牖清淺望
河漢低昂看北斗數甕猶未開明朝能飲否

劉云比陶
差健而贍

然各
自好

唐詩品彙卷十

欽定四庫全書

唐詩品彙卷十一

明 高棅 編

五言古詩十一

名家

上之三

李頎

殷璠云頎詩發調既清修辭亦秀雜歌咸善玄
理最長惜其偉才只到黃綬然論其家數往往
高於衆作

塞下曲

黃雲鴈門郡日暮風沙裏
千騎累貂裘皆稱羽林子
金笳吹朔雪鐵馬嘶雲水
帳下飲蒲萄平生寸心是

宋少府東谿泛舟

登岸還入舟水禽驚笑語
晚葉低衆色濕雲帶殘暑
落日乘醉歸谿流復幾許

繁公院各賦一物得初荷

微風和衆草大葉長圓陰
晴露珠共合夕陽花映深
從

來不看水清淨本因心

李兵曹壁畫山水各賦得桂水帆

片帆浮桂水落日天涯時飛鴈看共度閒雲相與遲長
波無曉夜泛泛欲何之

晚歸東園

出郭喜見山東行亦未遠夕陽帶歸鳥藹藹秋稼晚樵
者乘霽歸野夫及星飯請謝朱輪客垂竿不復返

寄鏡湖朱處士

激霽晚流澗微風吹綠蘋鱗鱗遠峯見淡淡平湖春芳
草日堪把白雲心所親何時可為樂夢裏東山人

送顧朝陽還吳

寂寞俱不偶裏糧空入秦宦途已可識歸卧包山春舊
國指飛鳥滄波愁旅人開樽洛水上怨別柳花新

留別王盧二拾遺

此別不可道此心當報誰春風灞水上飲馬桃花時誤
作好文士只令遊宦遲留書下朝客我有故山期

光上座廊下衆山

名岳在廡下吾師居一牀
每聞楞伽經只對清翠光
百谷聚雲色莓苔侵屋梁
氣盤古壁轉勢引幽壻長
願遊薜蘿下日見金爐香

題盧道士房

秋砧響落木共坐茅君家
唯見兩童子林前汲井華
空壇靜白日神鼎飛丹砂
麈尾拂霜草金鈴搖霽霞
上章人世隔看奕桐陰斜
稽首問仙要黃精堪餌花

寄焦鍊師

得道凡百歲燒丹唯一身悠悠孤峯頂日見三花春白
鶴翠微裏黃精幽澗濱始知世上客不及山中人仙境
若在夢朝雲如可親何由覩顏色揮手謝風塵

送暨道士還玉清觀

仙官有名籍度世吳江濱大道本無我青春長與君中
洲俄已到至理得而聞明主降黃屋時人看白雲空山
何窈窕三秀日氤氲遂此留書客超遙煙駕分

賦二妃廟送裴侍御使桂陽

沅上秋草晚蒼蒼
堯女祠無人見
精魄萬古寒猿悲
桂水身沒後
椒漿神降時
回雲迎赤豹
驟雨颯文狸
受命出炎海
焚香徵楚詞
乘驄感遺跡
一弔清川湄

送王昌齡

漕水東去遠
送君多暮情
淹留野寺出
向背孤山明
前望數千里
中無蒲稗生
夕陽滿舟楫
但愛微波清
舉酒林月上
解衣沙鳥鳴
夜來蓮花界
夢裏金陵城
歎息此

離別悠悠江海行

題綦毋校書所居

常稱掛冠吏昨日歸滄洲
行客暮帆遠主人庭樹秋
豈伊問天命但欲為山遊
萬物我何有白雲空自幽
蕭條江海上日夕見丹丘
生事本漁釣賞心隨去留
惜哉曠微月欲濟無輕舟
倏忽令人老相思河水流

送崔侍御赴京

綠槐蔭長路駿馬垂青絲
柱史謁承明翩翩將有期
千

官大朝日奏事臨赤墀肅肅儀仗裏風生鷹隼安一從
登甲科三拜皆憲司按俗又如此為郎何太遲送君暮
春日花落城南陞惜別醉芳草前山勞夢思

漁父歌

白首何老人蓑笠蔽其身避世長不仕釣魚清江濱浦
沙明濯足山月靜垂綸寓宿灘與瀨行歌秋復春持竿
湘岸竹蕪火蘆洲蘄綠水飯香稻青荷包紫鱗於中還
自樂所欲全吾真而笑獨醒者臨流多苦辛

登首陽山謁夷齊廟

古人已不見喬木竟誰過寂寞首陽山白雲空復多蒼
苔歸地骨皓首采薇歌畢命無怨色成仁其若何我來
入遺廟時候微清和落日弔山鬼回風吹女蘿石門正
西豁引領望黃河千里一飛鳥孤光東逝波驅車層城
路惆悵此巖阿

東京寄萬楚

蒹落久無用隱身甘采薇仍聞薄宦者還事田家衣願

水日夜流故人相見稀
春山不可望黃鳥東南飛
濯足豈長往一樽聊可依
了然潭上月適我胸中機
在昔同門友如今出處非
優游白虎殿偃息青瑣闥
且有薦君表當看攜手歸
寄書不待面蘭茝空芳菲

臨川送張諲入蜀

出門便為客惘然悲徒御
四方維一身茫茫欲何去
經山復歷水百恨將千慮
劍閣望梁州是君斷腸處
孤雲傷客心落日感君深
夢裏蒹葭渚天邊橘柚林
蜀江流

金少卿
卷十一
不測蜀路險難尋
木有相思號猿多愁苦音莫向愚山
隱愚山地非近故鄉可歸來眼見芳菲盡

春送從叔遊襄陽

言別恨非一葉置我宗英向日五經笥
今為千里行裏糧顧庭草羸馬詰朝鳴斗酒對寒食
雜花宜晚晴春衣采洲路夜飲南陽城
客夢峴山曉漁歌江水清楚俗少相知
遠遊難稱情同人應館穀刺史出郊迎
只合侍丹宸翻令辭上京時方春欲暮
歎息向流鶯

裴尹東谿別業

公才廊廟器官亞河南守別墅臨都門驚湍激前後舊
交與羣從十日一攜手幅巾望寒山長笑對高柳清歡
信可尚散吏亦何有岸雪青城陰水光遠林首閒觀野
人筏或飲川上酒幽雲淡徘徊白鷺飛左右庭竹垂卧
內村煙隔南阜始知物外情簪紱同芻狗

寄萬齊融

名高不擇仕委身隨虛舟小邑常歎屈故鄉行可遊青

楓半村戶香稻盈田疇為政日清淨何人同海鷗搖巾
北林夕把菊東山秋對酒池雲滿向家湖水流岸陰止
鳴鵲山色映潛虬靡靡俗中理蕭蕭川上幽昔年至吳
郡常隱臨江樓我有一書札因之芳杜洲

無盡上人東林禪居

草堂每多暇時謁山僧門所對但羣木終朝無一言我
心愛流水此地臨清源吞吐山上日蔽虧松外村孤峰
隔身世百衲老寒暄禪戶積朝雪花龕來暮猿顧余守

耕稼十載隱田園
蘿篠慰畚畝
潭忘討論洩雲豈知
限至道莫探元
且願啟闕鎖於焉微尚存

不調歸東川別業

寸祿言可取
託身將見遺
慙無匹夫志
悔與名山辭
紱冕謝知己
林園多後時
葛巾方濯足
蔬食但垂帷
十室對河岸
漁樵祇在茲
青郊香杜若
白水映茅茨
晝景徹雲樹
夕陰澹古逵
渚花獨開晚
田鶴靜飛遲
且復樂生事前
賢為我歸閒歌
聊鼓楫永日望佳期

贈張旭

張公性嗜酒豁達無所營皓首窮草隸時稱太湖精露
頂據胡牀長呌三五聲興來灑素壁揮筆如流星下舍
風蕭條寒草滿戶庭問家何所有生事但浮萍左手持
蟹螯右手執丹經瞪目視霄漢不知醉與醒諸賓且方
坐旭日臨東城荷葉裏江魚白甌貯香粳微祿心不屑
放神於八紘時人不識者即是安期生

贈別高三十五

五十無產業心輕百萬資屠酤亦與羣不問君是誰飲
酒或垂釣狂歌兼詠詩馬知漢高士莫識越鵝夷寄跡
栖霞山蓬頭睢水湄忽然辟命下衆謂趨丹墀沐浴着
賜衣西來馬行遲能令相府重且有函關期龜勉從寸
祿舊遊梁宋時皤皤邑中叟相候鬢如絲官舍柳林靜
河梁杏葉滋摘芳雲景晏把手秋蟬悲小縣情未愜折
腰君莫辭吾觀聖人意不久召京師

謁張果先生

先生谷神者甲子焉能計自說軒轅師于今幾千歲寓
遊城郭裏浪迹希夷際應物雲無心逢時舟不繫養霞
斷火粒野服兼荷製白雪淨肌膚青林養身世韜精殊
豹隱鍊質同蟬蛻忽去不知誰偶來寧有契二儀齊壽考
六合同休憇彭聃猶嬰孩松期且微細嘗聞穆天子更
憶漢皇帝親屈萬乘尊將窮四海裔車從徧草木錦帛
招談說八駿空往還三山轉虧蔽吾君感至德玄老欣
來詣受錄金殿開清齋玉堂閉笙歌迎拜首羽帳崇嚴

衛禁柳垂香爐宮花拂仙袂祈年寶祚廣致福蒼生惠
何必待龍髯鼎成方取濟

與諸公遊濟瀆汎舟

濟水出王屋其源來不窮泆泉數眼沸平地流清通皇
帝崇祀典詔書示三公分官禱靈廟奠壁沈阿宮神應
每如荅松篁氣葱蘢蒼螭送飛雨赤鯉噴回風灑酒布
瑤席吹簫下玉童玄冥掌陰事祝史告年豐百谷趨潭
底三光懸鏡中淺深露沙石蘋藻生虛空晚景臨汎美

亭皋輕靄紅晴山傍舟楫白鷺驚絲桐我本家潁北出
門見維嵩焉知松峯外又有天壇東左手正接羅浩歌
眴青穹夷猶傲清吏偃仰狎漁翁對此川上閒非君誰
與同霜凝遠村渚月爭蒹葭叢茲境信難遇為歡殊未
終淹留悵言別煙嶼夕微蒙

常建

殷璠云高才無貴仕誠哉是言曩劉禎死於文
學左思終記室鮑照卒於參軍今常建亦淪於
一尉悲夫建詩似初發通莊却尋野徑百里之外
方歸大道所以其旨遠其興僻佳句輒來惟論

意表至於松際露微月清光猶為君又山光悅
鳥性潭影空人心此例十數句並可稱警策

劉須溪云常建詩情
景沉冥不類著色

春詞二首

茱萸黃柳絲濛濛雜花垂日高紅粧卧倚樹春光遲

劉云

素淡
本分寧知傍淇水驪裊黃金羈

翳翳陌上桑南枝交北堂美人金梯出素手自提筐非
但畏蠶飢盈盈嬌路傍

古意

卷十一
收馬古道傷道傷多古墓蕭條愁殺人蟬鳴白楊樹迴
頭望京邑合水生塵霧富貴安可常歸來保貞素

塞上曲

翩翩雲中使來問大原卒百戰苦不歸刀頭怨秋月塞
雲隨陣落寒日傷城沒城下有寡妻哀哀哭枯骨

昭君墓

漢宮豈不死異域傷獨沒萬里馱黃金蛾眉為枯骨

劉云

造意精巧迴車夜出塞立馬皆不發共恨丹青人墳上哭明

月劉云千古詞人之恨寫作當時事
斷腸軟語不落脂粉故他作不及

弔王將軍墓

嫖姚北伐時深入疆千里戰餘落日黃軍敗鼓聲死

劉云

形容古所未至嘗聞漢飛將可奪單于壘今與山鬼鄰殘兵哭

遼水

殷云一篇盡善屬辭既苦意亦警絕潘岳
雖云能序悲怨未見如此章

劉云短絕

宿王昌齡隱居

清溪深不測隱處唯孤雲松陰露微月清光猶為君

劉云

景同意別茅亭宿花影藥院滋苔紋余亦謝時去西山驚鶴

羣

江上琴興

江上調玉琴一絃清一心泠泠七絃遍萬木澄幽陰能

使江月白又令江水深始知枯桐枝可以徽黃金

劉云等閒

楚楚

送李十一尉臨谿

泠泠花下琴君唱渡江吟天際一帆影

劉云語類高素

預懸離

別心以言神仙尉因致騷華音回軫撫商調越谿澄碧

林劉云或麗或則
有可有不可

送陸擢

聖代多才俊陸生何考槃南山高松樹不合空摧殘九
月湖上別北風秋雨寒殷勤嘆孤鳳早食金琅玕

潭州留別

賢達不相識偶然交已深宿帆謁郡佐悵別依禪林湘
水流入海楚雲千里心望君杉松夜山月清猿吟

燕居

青苔常滿地流水復入林遠與市朝隔日聞雞犬深寥
寥丘中賞渺渺湖上心笑傲轉無欲不知成陸沈

閒齋卧病行藥至山館稍次湖亭二首

旬時結陰霖簾外初白日齋沐清病容心魂畏虛室閒
梅照前戶明鏡悲舊質同袍四五人何不來問疾

行藥至石壁東風變萌芽主人山門綠小隱湖中花時
物堪獨往春帆宜別家辭君向滄海爛熳從天涯

晦日馬鐙曲稍次中流作

夜寒宿蘆葦晚色明西林初日在川上便澄遊子心晴
天無纖翳郊野浮春陰波靜隨釣魚舟小綠水深出浦
見千里曠然諧遠尋扣舷應漁父因唱滄浪吟

送楚十少府

微風吹霜氣寒影明前除落日未能別蕭蕭林木虛愁
煙閉千里仙尉其何如因送別鶴操贈之雙鯉魚鯉魚在
金盤別鶴哀有餘心事則如此請君開素書

宿五度谿仙人得道處

五渡溪上花生根依兩崖二月尋片雲願宿秦人家上
見懸崖崩下見白水湍仙人彈棋處石上青蘿磐無處
求玉童翳翳唯林巒前溪遇新月聊取玉琴彈

漁浦

春至百草綠陂澤聞鶺鴒別家投漁翁今世滄浪情漚
苧為縵袍折麻為長纓榮譽失本真怪人浮此生碧水
月自濶安流淨而平扁舟與天際獨往誰能名

古意二首

河嶽英靈集
作祖詠詩

楚王竟何去獨自番巫山偏使世人見迢迢江漢間駐
舟清谿裏皆願拜靈顏寤寐見神女金沙鳴佩環閑艷
絕世姿令人氣力微含笑竟不語化作朝雲飛

明月照高閣綵女褰羅幕歌舞臨碧雲簫聲沸珠箔青
鸞臨南海天上雙白鶴萬里齊翼飛意求君門樂玉霄
九重閉金鎖夜不開兩翅自無力愁鳴雲外來態深入
空貴勢屈無良媒俛仰顧中禁東飛白玉臺

客有自燕而歸哀其老而贈之

羸馬朝自燕一身為二連憶親拜孤塚移葬雙陵前幽
願從此畢劍心因獲全孟冬寒氣盛撫轡告言旋碣石
海北門餘寇唯朝鮮離離一寒騎孑孑馳白天生別皆
自取况為士卒先寸心漁陽興落日旌竿懸

張山人彈琴

君去芳草綠西峯留玉琴豈唯丘中賞兼得清煩襟朝
從山口還出嶺聞清音了然雲霞氣照見天地心玄鶴
下澄空翩翩舞松林改絃叩商聲又聽飛龍吟稍覺此

身安漸知仙事深其將鍊金鼎永矣投吾簪

夢太白西峰

夢寐升九崖杳靄逢元君遺我太白岑寥寥辭垢氛結
宇在星漢晏林閉氤縕簷檻覆餘翠巾烏生片雲時往
清谿間孤亭晝仍曛松峯引天影石瀨清霞文恬目緩
舟趣霽心投鳥羣春風又搖棹潭島花紛紛

湖中晚霽

湖廣舟自輕江天欲澄霽是時清楚望氣色猶霾曠踞

躡金霞白波上日初麗煙虹落鏡中樹木生天際杳杳
崖欲辨濛濛雲復閉言乘星漢明又覩寰瀛勢微興從
此愜悠然不知歲試歌滄浪清遂覺乾坤細豈念客衣
薄將期永投袂遲迴漁火間一鴈聲嘹唳

西山

一身為輕舟落日西山際常隨去帆影遠接長天勢物
象歸餘清林巒分夕麗亭亭碧流暗日入孤霞繼洲渚
遠陰映湖雲尚明霽林昏楚色來岸遠荆門閉至夜轉

清迥蕭蕭北風厲沙邊鴈鷺泊宿處蒹葭蔽圓月逗前
浦孤琴又搖曳冷然夜遂深白露霑人袂

第三峯

西山第一頂茆宇依雙松杳杳欲至天雲梯昇幾重瑩
魂激玉虛以求鸞鶴蹤逶迤飛天人執節乘赤龍俯映
白日光縹緲輕霞容孤輝上煙霧餘影明心曾願與黃
麒麟欲飛而莫從因寂清萬象輕雲自中峯山暝學栖
鳥月來隨暗蟲尋空靜餘響裊裊雲谿鐘

白龍窟泛舟寄天台學道者

夕翠映山深餘暉在龍窟扁舟滄浪意澹澹花影沒西
浮入天色南望對雲闕因憶萼苔峯初陽濯玄髮泉蘿
兩幽映松鶴間清越碧海瑩子神玉膏澤人骨忽然為
枯木微興遂如兀應寂中有天明心外無物環迴從所
泛夜靜猶不歇浩然意無限身與波上月

張天師草堂

靈谿宴清宇俯倚枯松根花藥繞萬丈瀑泉飛至門四

氣閉炎熱兩崖改明昏夜深月漸皎亭午朝始暎信是
天人居幽幽寂無喧萬壑應鳴磬諸峯接一魂遂登仙
子谷因醉田中尊時節開玉書宵映飛天言心化便無
影目精馬累煩忽而上霄漢寥落空南軒

仙谷遇毛女意知是秦宮人

谿口水石淺冷冷明藥叢入谿雙峰峻松枯踈幽風垂
嶺枝嫋嫋翳泉花濛濛螢綠霽人目路盡心彌通盤石
橫陽崖前臨殊未窮回潭清雲影瀾漫長天空水邊一

神女千歲為玉童羽毛經漢代珠翠逃秦宮

劉云語只如此好

目覩神已寓鶴飛言未終祈君青雲秘願謁黃仙翁嘗
以畊玉田龍鳴西頂中金梯與天接幾日來相逢

鄂渚招王昌齡張債

川蘆曠野中沙上飛黃雲天晦無精光茫茫悲遠君楚
山隔湘水湖畔落日曛春鴈又北飛音書固難聞謫君
未為嘆讒枉何由分五日逐蛟龍宜為吊冤文翻覆古
共然名宦安足云貧士任枯槁捕魚清江濱有時荷犁

鋤曠野自耕耘不然春山隱谿澗花氛氲山鹿自有場
賢達亦顧羣二賢歸去來世人徒紛紛

白湖寺後谿宿雲門

落日山水清亂流鳴淙淙舊蒲雨抽節新花水對窻谿
中日已沒歸鳥多為雙杉松引直路出谷臨前湖洲渚
晚色靜又觀花與蒲入溪復登嶺草淺寒流速圓月明
高峯春山因獨宿松陰澍初夜曙色分遠目日出城南
隅青青媚川陸亂花覆東郭碧氣銷長林四郊一清影

千里歸寸心
前瞻王程促
却戀雲門深
畢景有餘興
到家調玉琴



唐詩品彙卷十一